

卷拾伍
陸

第三十六本

新
增
全圖足本醫宗金鑑

海上

局書新啟
行發



御纂醫宗金鑑卷十五

編輯外科心法要訣

雜證部

跌撲

跌撲之證屬尋常復元活血湯最良已破亡血八珍服未破血瘀大成湯
此證有已破未破之分亡血瘀血之別如尋常跌撲微傷皮肉疼痛未破者以
復元活血湯散瘀活血若損傷筋骨血流過多不止者即為亡血急用花蕊石
散乾撒止血內服八珍湯加酒炙骨碎補續斷紅花若從高跌墜未曾損破皮
肉者必有瘀血流注臟腑人必昏沉不醒二便秘結當以大成湯通利二便其
人自醒若便利不醒者灌獨參湯救之

大成湯

大黃 三錢

朴硝

枳殼 各二錢
錢炒

厚朴 薑炒

當歸

紅花

木通

蘇木

陳皮

甘草

各一錢生

水二鍾煎八分不拘時服服後二時不行渣再煎加蜜三匙

沖服

方歌 大成活瘀便立通硝黃枳殼厚歸紅木通蘇木陳皮草煎服不行加蜜



沖

復元活血湯

當歸尾 二錢

柴胡 一錢五分

穿山甲 炙研

紅花

枳實 各七

甘草 五分

桃仁 十七

大黃 三錢

水二鍾酒二

鍾煎一鍾食遠服以利為度

方歌 復元活血跌撲證惡血流瘀積滯疼山甲柴紅枳萸草桃仁歸尾大黃

行

花蕊石散

見發無定
虛血症

八珍湯

獨參湯 俱見清
瘍門

金瘡

金瘡須宜驗傷痕輕傷皮肉重傷筋外撒如聖桃花散血多八珍湯獨參〔註〕

此證有金刀傷箭鏃傷磁鋒傷須看傷痕深淺輕者皮肉破損血流不住以桃

花散撒之重者筋斷血飛係大脈已傷用如聖金刀散撒上以絹帛紮住止而

復流再撒若藥痂過厚拘痛者以生肌玉紅膏塗傷處外貼陀僧膏長筋止痛

生肌治之無論輕重傷破出血初服三黃寶蠟丸傷破微出血者服黎洞丸若

出血過多其人面黃眼黑不可專攻瘀血宜用八珍湯甚者獨參湯先固根本

二方俱加蘇木紅花兼調瘀血此證雖係好肉暴傷然驗脈法形證亦可以定



生死如傷血過多脈見虛細沉小和緩者生若脈見浮洪數大實虛促者死被傷入肺者二七死左脅下傷內者腸全斷者少腹下傷內者傷處繁多者老人左股壓碎者傷破陰子者肩內耳後傷透於內者死凡傷天牕穴與眉角腦後臂裏跳脈髀內陰股兩乳上下心下鳩尾及五臟六腑之輸者皆死腦後出髓而不能語目睛直視喉中沸聲口急唾出兩手妄舉者亦死又有腹皮損破腸出者看腸若傷一半者可治先以大麥煮粥取濃汁溫洗其腸以桑皮尖葷為線蘸花蕊石散縫腸傷口急於縫處塗活雞冠血隨以清油塗腸令潤將腸輕輕納入腹中外用生人長髮密縫腹傷口之裏肉留外皮撒月白珍珠散以待生肌斂口若傷口大者不能外縫以陀僧膏護貼候自潰膿即按潰瘍門治法縫後勿驚笑以米飲少少飲之漸增待二十日後再喫濃粥調理而愈

三黃寶蠟丸

藤黃

四兩製法見黎洞丸內

天竹黃

無真者九轉南星代之

紅芽大戟

劉寄奴

血竭

各三兩

孩兒茶

雄黃

各三兩

朴硝

一兩

當歸尾

一兩五錢

鉛粉

汞

即水銀

乳香

麝香

各三錢

琥珀

二錢

各研極細末稱準和一處將水銀同鉛粉在

鐵鍋內火上熱研成末入前藥內共研勻用煉淨黃蠟二十四兩放磁器內

坐滾水中化開將藥入內攪勻病重者每丸一錢病輕者每丸五分熱黃酒調服倘受傷至重連服數次服藥後飲酒出汗更妙又治一切惡瘡以香油化開敷之甚效

〔方歌〕三黃寶蠟琥天竹大戟兒茶硝奇奴雄竭藤黃鉛粉汞乳歸麝碾去其粗蠟丸黃酒熱調服外治惡瘡油化敷能療金瘡傷損證續筋癢散痛全無

黎洞丸

三七

生大黃

阿魏

孩兒茶

天竹黃

血竭

乳香

沒藥

雄黃

冰片

麝香

牛黃

上各二錢五分以研細末

山羊血

五錢無真者以小子羊鮮心血代之

藤黃

二兩以秋荷葉露泡之隔湯煮十餘次去浮沉取中將山羊血拌入曬乾

取秋露水化藤黃拌藥搗千餘下如乾加煉蜜少許為丸重一錢黃蠟封固

每用一丸黃酒化服外敷亦用黃酒磨塗此藥如在夏天修和取天落水拌

之為丸

〔方歌〕黎洞金瘡跌撲傷發背癰疽諸惡瘡瘰癧刑傷瘋犬咬蜂蛇蠍毒服敷

良三七大黃冰麝魏兒茶天竹竭藤黃羊血牛黃雄乳沒秋露和丸酒化強

桃花散

見發無定處血箭

如聖金刀散

見足部脫疽

生肌玉紅膏

陀僧膏

八珍湯

獨參湯

月白珍珠散

俱見潰瘍門

花蕊石散

見發無定處血痣

箭頭入肉

附毒箭

箭頭入肉鉗不出解骨丸納羊脂敷焦銅毒箭金汁解射箇中人藍汁塗一
箭頭嵌入肉內鉗不出者宜解骨丸納傷口內外用羊腎脂細嚼貼之覺癢忍之
極癢箭頭漸冒撼動拔出即以人尿洗之貼陀僧膏日換傷口自斂又有毒箭
二種交廣蠻夷用焦銅作箭鏃甚毒人若中之纔傷皮肉便悶膿沸爛而死急
飲金汁外亦用金汁抹之若金汁一時不得即灌人糞汁並外敷之非此不能
解毒也又一種以毒藥喂箭名為射箇人若中之甚毒急用葛氏方用藍靛汁
一盃灌之外亦用塗抹傷處一法用大豆豬羊血內服外敷解毒亦效又箭鏃
不出者搗鼠肝塗之或鼠腦搗塗即出

解骨丸

蜣螂研

雄黃研

象牙末各等分

共和勻煉蜜

為丸如黍米大納傷口處

〔方歌〕解骨丸能拔箭鏃蜣螂雄黃功效速象牙末加蜜煉丸大如黍米納傷處

陀僧膏

見潰瘍門

鐵鍼入肉

鐵鍼入肉隨氣遊走向心胸險可愁烏鴉翎灰酒調服膏貼鍼出始免憂〔註〕凡鐵鍼誤入肉中無眼者不動有眼者隨氣遊走若走向心窩胸膛者險急用烏鴉翎數根炙焦黃色研細末酒調服一錢或二錢俱可外用神聖膏貼三五次其鍼自出前法用在一二日間效

神聖膏

用車脂輦油不拘多少研如膏調磁石末攤紙上如錢許貼之每

日二換

鐵鍼誤入咽喉

誤吞鐵鍼入咽喉急飲蝦蟆血數頭鍼不即吐蒼籬散或食飴糖出不留〔註〕鐵鍼誤入咽喉無藥可施宜用癩蝦蟆數個將頭剝去倒垂流血以盃接之得一盃許灌入喉中移時連鍼吐出鍼自輒曲一方用舊蒼籬煨存性研末每服三錢黃酒調服亦能化鍼或用飴糖一觔食盡便出

誤吞銅錢

誤吞銅錢雖無疼久留腹中病必成葶薺能化堅為輒多食無傷可化銅〔註〕誤吞銅錢多食葶薺即能化堅為輒若誤吞鐵骨等物腸中不能轉送覺墜者

多食青菜豬油自然送入大腸與糞同出甚效

骨骮咽喉

骨骮咽喉最可憂吐噤刺痛礙咽喉魚骨須用鴨涎灌獸骨狗涎灌即瘳〔註〕此證由噤物急迫骨骮於咽喉妨礙飲食吐噤刺痛宜急治之然有魚骨獸骨之分誤吞魚骨者用河中養蓄活鴨倒掛垂涎以磁盃接下令患人仰臥頻灌其骨盡化誤吞獸骨者用狗一隻倒掛接涎如前法頻灌其骨盡化俱效若失治咽喉腫痛潰膿宜用冰硼散吹之不可妄服涼藥若骨勢大者與飲食難下餓倒胃氣者俱屬難救

冰硼散

見口部
驚口瘡

杖瘡

杖瘡須宜看其形已破未破要分明清涼拈痛膏破用數之消腫並止疼未破瘀血先當趁湯劑急宜用大成玉紅膏貼瘀腐痛搽之新肉自然生〔註〕此瘡有已破未破之分已破者隨杖後用清涼拈痛膏敷之疼腫即消未破瘀血內攻者急宜砭去瘀血內服大成湯便通自愈如傷處瘀腐作疼者生肌玉紅膏搽之自然腐化新生其效甚捷

清涼拈痛膏

如意金黃散一兩加樟腦末三錢和勻又用生白石灰塊三

四觔許以水泡開水高石灰二三指露出一宿將石灰面上浮起油水結如雲片

者輕輕帶水起入盆內有水一鍾對香油一鍾竹筍攪百轉自成稠膏調前

藥稀稠得所不用湯洗徧敷傷處紙蓋布紮夏月一日冬月二日用蔥湯淋

洗乾淨仍再敷之以腫消痛止為度

〔方歌〕清涼拈痛金黃散加入樟腦末三錢杖瘡破後多疼痛石灰水油調敷

痊

大成湯

見跌撲

生肌玉紅膏

見清瘍門

如意金黃散

見腫瘍門

夾傷

夾傷禁用藥貼敷硃砂燒酒可調塗瓊液散服隨飲醉腫勢必消痛自除復受重刑潰破者代杖湯藥速宜圖氣血弱者當大補六真膏貼痛即無〔註〕夾傷即擠傷也禁用敷藥膏藥及泥塗等法恐後必作腫成膿受刑初宜服代杖丹以護心隨用銀硃或硃砂末燒酒調敷傷處再著一人以手十指夾輕啄患者脚心先覺癢次覺疼為止次著一二人以筆管於患者脚面上輕輕趕之助通血脈候傷處凹者突起四圍腫大為度即服瓊液散隨飲至醉次日揩去所敷

銀硃只用洗杖傷湯日燙二三次次日再服瓊液散其腫自消痛即止矣如復受重刑以致破潰者外貼瓊液膏內服代杖湯繼宜大補氣血易於收功生肌時換貼六真膏其效甚捷

代杖丹

丁香

蘇木

蚯蚓去土

無名異

丹皮

肉桂

木鱉子

乳香

沒藥

自然銅

醋各一兩火煨
淬七次

以上為末煉蜜和丸二錢重用一丸黃酒化下

〔方歌〕代杖護心血不攻丁香蘇木蚓無名丹皮肉桂木鱉子乳香沒藥自然銅

瓊液散

鬧羊花

擇去梗蒂葉洗去
灰沙曬乾砂鍋微焙

為末每服五

分壯者七分先飲醇酒至半酣次用護藥服下再飲至大醉為度靜卧勿語語則發麻至次日其麻方解消腫止疼其功甚捷連服三五次弱者間一日再服

〔方歌〕瓊液散消瘀血滯豫酌酒至半酣時鬧羊花末調服下瓊漿復飲醉如

癡

洗杖湯

陳皮

透骨草

南星

天門冬

地骨皮

天靈蓋

錢各五

象皮

切一兩碎

水煎浸洗日三二次

〔方歌〕

洗杖湯陳透骨星天冬地骨共天靈象皮水煎日勤洗夾傷消腫又除

疼

瓊液膏

當歸尾

開羊花

紅花

白芷

蒲黃

兩各二

香油一觔浸藥七日煤枯去渣入白蠟黃蠟各一兩溶化盡

絹濾淨稍溫再入冰片六分沒藥乳香末各六錢攪勻攤貼

〔方歌〕

瓊液膏貼夾傷破歸開紅花芷蒲黃油煤又下白黃蠟再加冰片沒乳

香

代杖湯

乳香

沒藥

蘇木

錢各二

蒲黃

枳殼

麩炒

木通

甘草

生

當歸尾

丹皮

木耳

穿山甲

各一錢炙研

土木鱉

五箇焙

酒水煎服

〔方歌〕

代杖湯醫夾傷驗乳沒蒲黃通枳甘歸尾丹皮鱉木耳酒煎蘇木炙穿

山

六真膏

樟腦

三兩

孩兒茶

滴乳香

血竭

沒藥

三七

錢各三

共為末用豬脂油十二兩盪盛水煮化將藥



入油內和勻攤貼

〔方歌〕六真膏貼夾杖傷樟腦兒茶滴乳香竭沒三七脂油化和敷諸瘡也相當

竹木刺入肉

諸刺入肉係外傷蜈蚣搗塗最為良如刺已出仍作痛再塗蜈蚣即無妨〔註〕諸刺入肉外傷之證也輕淺者以鍼撥出硬深者搗蜈蚣塗之少時即出如刺已出而仍作痛者再以蜈蚣塗之即愈

破傷風

皮肉損破外傷風初覺牙關噤不鬆甚則角弓反張狀吐涎抽搐不時寧四因動靜驚潰審陷縮神昏不語凶在表宜汗裏宜下半表半裏以和平〔註〕此證由破傷皮肉風邪襲入經絡初起先發寒熱牙關噤急甚則身如角弓反張之狀口吐涎沫四肢抽搐無有寧時不省人事傷口鏽澀然傷風有四因動受靜受驚受潰瘡後受皆可傷風動而受者怒則氣上其人跳躍皮肉觸破雖被風傷風入在表因氣血鼓旺不致深入屬輕靜受者起作和平之時氣不充鼓偶被破傷風邪易於入裏屬重驚受者驚則氣陷偶被破傷風邪隨氣直陷入陰

多致不救屬逆若風邪傳入陰經者則身涼自汗傷處反覺平塌陷縮甚則神昏不語囁口舌短其證貴乎早治當分風邪在表在裏或半表半裏以施汗下和三法如邪在表者寒熱拘急口噤咬牙宜服千里奔散或雄鼠散汗之次以蜈蚣星風散頻服追盡臭汗如邪在裏者則驚而抽搐臟腑祕澀宜江鱉丸下之如邪在半表半裏無汗者宜羌麻湯主之若頭汗多出而身無汗者不可發汗宜榆丁散和之若自汗不止二便祕赤者宜大芩黃湯主之又有發表太過臟腑雖和自汗不止者宜防風當歸散服之發表之後表熱不止者宜小芩黃湯服之攻裏之後裏熱不止宜栝石湯服之若傷時血出過多不可再汗宜當歸地黃湯主之至於生瘡潰後受風者因生瘡潰而未合失於調護風邪乘虛侵入瘡口先從瘡圍起粟作癢重則牙緊項軟下視不宜發汗誤汗令人成瘰當以參歸養榮湯加殭蠶主之先固根本風邪自定若手足戰掉不已者宜硃砂指甲散主之若痰盛抽搐身涼者宜黑花蛇散主之外治之法遇初破之時一二日間當用灸法令汗出其風邪方解若日數已多即禁用灸法宜羊尾油煮微熟絹包乘熱熨破處數換拔盡風邪未盡者次日再熨兼用漱口水洗之日敷玉真散至破口不銹生膿時換貼生肌玉紅膏緩緩收斂按劉完素只論

三陽汗下和三法而不論三陰者蓋風邪傳入陰經其證已危如腹滿自利口燥咽乾舌捲囊縮等類皆無可生之證故置而不論也

千里奔散 用行遠路驛蹄心陰陽瓦煨存性研細每服三錢熱黃酒沖服

〔方歌〕千里奔散破傷風口噤拘急寒熱攻驛蹄大煨存性研每服三錢黃酒

沖

雄鼠散 活雄鼠一枚鐵線縛繞陰陽瓦煨存性研為細末作一服熱黃酒

調下

〔方歌〕雄鼠破傷風居表活鼠一枚鐵線繞陰陽瓦煨存性研酒調盡服風邪

了

蜈蚣星風散

蜈蚣二條

江鱽三錢

南星

防風

各二錢五分

共研細末每用二錢黃酒調服一日二服

〔方歌〕蜈蚣星風邪未散搜風發汗去風源南星江鱽防風末酒服經絡自通

宣

江鱽丸

天麻

雄黃各一錢

蜈蚣二條

江鱽

僵蠶炒

野鴿糞各五分炒

共研細末作兩分一分飯丸如梧桐子硃砂

為衣一分加巴豆霜二分五釐飯丸如梧桐子大每用硃砂藥二十九加巴豆藥一丸二服加二丸白滾水送下至便利為度再服硃砂藥病愈即止

〔方歌〕

江鱧破傷風入裏驚兼抽搐下之宜天麻蜈蚣殭鵠糞雄黃巴霜九硃

衣

羌麻湯

羌活

麻黃

川芎

防風

枳殼

麸炒

白茯苓

石膏

煨

黃芩

細辛

甘菊花

蔓荊子

前胡

甘草

各七

白芷

薄荷

各五分

生薑三片水二鍾煎八分服

〔方歌〕

羌麻湯芳風枳殼苓芷石膏芩薄荷細辛荊蔓前甘草發汗破傷風即

瘥

榆丁散

防風

地榆

紫花地丁

馬齒莧

各五錢

共研細末每服三錢溫米湯調下

〔方歌〕

榆丁破傷風為患頭汗身無不宜散此藥米湯服解和防榆地丁馬齒

莧

大芩黃湯

黃芩

羌活

大黃

各二錢

川芎

一錢

水煎服以微利為度

〔方歌〕大芩黃治破傷風汗多便秘小水紅水煎黃芩與羌活大黃切片共川

芩

防風當歸散

防風

當歸

川芎

生地

各五分

水煎服

〔方歌〕防風當歸表太過臟腑雖調汗出多只將四味水煎服川芎生地共相

和

小芩黃湯

川芎 三錢

黃芩 二錢

甘草 五分

水煎溫服

〔方歌〕小芩黃湯發散後表熱猶存用此醫芩芩甘草煎溫服退熱除根神效

奇

枯石湯

枯薑仁 九錢

滑石 一錢五分

蒼朮 米泔水浸炒

南星

赤芍

陳皮 各一錢

白芷

黃蘗

黃芩

黃連 各五分

甘草 二分

生薑三片水三鍾煎一鍾服之

〔方歌〕枯石芍芷藥芩連蒼朮南星陳草煎醫治破傷風下後熱猶不解服之

痊



當歸地黃湯

當歸

熟地

川芎

藁本

白芍 酒炒

防風

白芷 各一錢

細辛 五分

水煎服

〔方歌〕當歸地黃芳藁本白芍防風芷細辛破傷之時血出甚服此滋榮風不侵

參歸養榮湯

人參

當歸

川芎

白芍 酒炒

熟地

白朮 土炒

白茯苓

陳皮 各一錢

甘草 五分

生薑三片紅棗肉二枚水煎服

〔方歌〕參歸養榮榮衛虛潰瘡失護風邪居生薑三片一枚棗八珍湯內入陳

皮

硃砂指甲散

人手足指甲

燒存性用六錢

硃砂

南星

獨活 各二錢

共研細末每用四錢熱黃酒調下

〔方歌〕硃砂指甲散神效破傷風侵手足搖每用四錢熱酒服南星獨活指甲

燒

黑花蛇散

麻黃 一兩炙

黑花蛇 六錢即烏蛇酒浸

天麻

白附子

乾薑

川芎

附子 製

草烏 各五錢泡去皮